

Sanaartorneq pillugu Inatsisartut inatsisaata allanngortinneqarnera pillugu Inatsisartut
inatsisaat kiisalu Grønlands tekniske Organisationi pillugu Inatsisartut peqqussutaata
allanngortinneqarnerat (Sanaartukkani piusuni nukimmik sipaarniarluni aaqqissuussinerit
kiisalu nuna tamakkerlugu Illuuit Inissiallu nalunaarsuiffiannik BBR-imik pilersitsinissamut
Naalakkersuisunut piginnaatitsisut)
(Ineqarnermut Attaveqaasersuutinullu Naalakkersuisoq)

Sanaartornermut Ataatsimiititaliap

Siunnersuutip aappassaaneerneqarneranut

ISUMALIUTISSISSLUTAA

Sanaartornermut Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Kristian Jeremiassen, Inuit Ataqatigiit, Siulittaasoq
Inatsisartunut ilaasortaq Siverth K. Heilmann, Atassut, siulittaasup tullia
Inatsisartunut ilaasortaq Harald Bianco, Inuit Ataqatigiit
Inatsisartunut ilaasortaq Anders Olsen, Siumut
Inatsisartunut ilaasortaq Jens Kristian Therkelsen, Siumut

UKA 2022-imi ulloq 26. April UPA2023-mi siullermeerinninnerup kingorna ataatsimiititaliap
siunnersuut misissorpaa.

Siunnersuutip imarisaa siunertaalu

Inatsisisatut siunnersuuteqnermini matumanit Sanaartorneq pillugu Inatsiartut inatsisaat
ulloq 1. juli 2010-mi atortussaatinneqalersoq inatsisartullu peqqussutaat, Grønlands Tekniske
Organisation, allanngortinneqarnissaat Naalakkersuisunit kissaatigineqarpoq.

Siunnersuut marlunnik siunertaqarpoq, ilaatigut sanaartukkanik nalinginnaasumik aserfallat-
saaliineq ilutigalugu sanaartukkat nukimmik atuinerisa
annikillisinneqarsinnaasunngortinneqarnissaat, ilaatigullu sanaartukkanik, inissianik,
teknikkikut atortuutinik il.il. nuna tamakkerlugu nalunaarsuisarnissaq
aqqtissiuussinnaassallugu.

Illuutillit sanaartukkanik nalinginnaasumik aserfallatsaaliineq ilutigalugu sanaartukkat
nukimmik atuinerisa annikillisinneqarsinnaasunngortinneqarnissaat, ilaatigullu

sanaartukkanik, inissianik, teknikkikkut atortuutinik il.il. nuna tamakkerlugu nalunaarsuisarnissaq aqqutissiuussinnaanissaa siunnersuummi siunertarineqarpoq.

Sanaartukkani atortut atortorissaarutilu taarserneqarnissaanni atortunik atortorissaarutinillu nukimmik atuinermut pitsangorsaataasunik piginnittut atuinissaannut piumasaqaasiortoqarsinnaanera, inatsisissamik siunnersuuteqarnermi siunnersuutigineqartumit qulakkeerniarneqarpoq. Taamaalilluni sanaartukkamik nalinginnaasumik aserfallatsaaliuineq ilutigalugu sanaartukkani piusuni nukimmik atuineq annikillisinnejassaaq.

Tunngaviusumik paasissutissaasivimmut piumasarineqartut naapertorlugit illuutit, inissiallu siunissami nalunaarsorneqartalersinnaaqqullugit, inatsisitigut tunngavissaq inatsisisatut siunnersuutitigut aqqutissiorniarneqarpoq. Ataatsimut isigalugu tamatumani suleriaatsip atuutup ingerlateqqinneqarnissaa siunertarineqartoq siunnersuuteqartup ilisimatitsissutigivaa. "Inuaqatigiit digitaliusut - Nuna tamakkerlugu digitaliseeriinermut periusissiaq 2018-2021" Namminersorlutik Oqartussat periusissiarisaanni tunngaviusumik paasissutissaasivik ilaavoq. Tunngaviusumik paasissutissat tamanit atorneqarsinnaasut atorluarneqarnissaat qulakkiissallugu siunertaqluni pisortat ataatsimoorussamik attaveqaateqarnikkut aaqqissuussinera, paasissutissaasivik aqqutigalugu ineriertortinneqassaaq.

Siunnersuutip Inatsisartunit siullermeerneqarnera

Siunnersuut taamatut iluseqartillugu partiinit tamanit taperserneqarpoq Sanaartornermullu Ataatsimiititaliamut suliarineqartussanngortinnejarniq. Tassunga atatillugu inatsisisanik piareersarluni suliaqartoqarnerani tusarniaanermut akissutit tusaaneqarsimanissaat qulakkeerneqarsimassasoq kissaatigineqarpoq. Imm. 2 § 19 kalaallisut allanneqarnerani oqaaseq "isernissaminut" atorneqarnerata itisilerneqarnissaa kissaatigineqarportaaq, taanna malillugu kommunalbestyrelsi sanaartukkap silataanik misissuinissaq uuttortaanissarlu siunertalarugit eqqartuussivimmi aalajangiinertaqanngitsumik isersinnaanissamik piumasaqarsinnaanngussaaq.

Tusarniaanermiit akissutit

Siunnersuut piffissami 10. januarimiit 13. februarimut tusarniaassutigineqarpoq tusarniaanermilu kikkut tusarniaanermut akissuteqarsimanersut oqaaseqaatinuit takuneqarsinnaavoq. Siunnersuummut oqaaseqaatini Naalakkersuisut tusarniaanermut akissutinut oqaaseqaateqarsimapput, taakkua takussutisiami eqikkarneri soorluttaaq oqaaseqaatigineqarsimasut ikkunneqarsimasut takuneqarsinnaapput. Siunnersuutip siullermeerlugu suliarineqarnerani tusarniaanermut akissutini oqaatigineqartut pillugit ataatsimiititaliap oqaaseqaatai immikkoortumi ataatsimiititaliap siunnersummik suliarinninnerani pissapput.

Ataatsimiititaliap siunnersummik suliarinninnera

Inatsisip allanngortinnera

Inatsisisatut siunnersuut marlunnik siunertaqarpoq:

- Allaffissornermi atortussanik pisortallu ingerlatsiviini atorneqarsinnaasunik sanaartukkanik, inissianik, teknikkikkut atortuutinik il.il. nuna tamakkerlugu nalunaarsuisarnissaq aqqutissiuussinnaassallugu.
- sanaartukkanik nalinginnaasumik aserfallatsaaliuineq ilutigalugu sanaartukkat nukimmik atuinerisa annikillisinneqarsinnaasunngortinneqarnissaat, ilaatigullu

Allaffissornikkut pisortallu ingerlatsiviini pilersaarusiornermi sanaartukkanik, inissianik, teknikkikkut atortuutinik il.il. nalunaarsuisarnissaq:

Illuutit inissiallu ersarissumik normulersorlugit illuutinik inissianillu tamanik nalunaarsuisarneq annerusumik, minnerusumilluunniit inatsisitigut tunngaveqarluni ukiorpassuit ingerlanerini ingerlanneqartoq Naalakkersuisunit ilisimatitsissutigineqarpoq. Tunngaviusumik paasissutissaasivimmut piumasarineqartut naapertorlugit illuutit, inissiallu siunissami nalunaarsorneqartalersinnaaqqullugit, inatsisitigut tunngavissaq inatsisisatut siunnersuutitigut taamaammat aqqutissiorniarneqarpoq. Ataatsimut isigalugu tamatumani suleriaatsip atuuttup ingerlateqqinneqarnissa siunertaralugu, inatsisisatut siunnersuut ilusilersorneqartoq aammattaaq Naalakkersuisunit ilisimatitsissutigineqarpoq.

Sanaartukkanik nalunaarsuisarneq pillugu kaajallaasitaq atuuttoq naapertorlugu kommuninit ullumikkut isumagineqarluni sanaartukkanik nalunaarsuisarneq, illulianillu normulersuisarneq ataqtigiissitsinneqarnissaat qulakkeerumallugu, tamanna sanaartornermut inatsimmut ilanngunneqassasoq siunnersuutigineqarpoq ("illunik nalunaarsuineq").

Kommunit nalunaarsuiffimmik ingerlatsissasut siunnersuutigineqarpoq. Taamaalilluni illuutit, sanaartukkat, teknikkikkullu atortuutit il.il. nalunaarsuiffimmut nalunaarutigineqartarnissaat, paasissutissallu nutartertuarnissaat isumagissallugu kommuninit akisussaaffigineqassapput. Nalunaarsuiffiup imarisassaanik, paasissutissanik aallernissamut nalunaarsuiffinnullu allanut ataqtigiissitsinissaq kiisalu sanaartukkanut, inissianut, teknikkikkullu atortuutinut il.il. isersinnaanissaq kiisalu paasissutissanik takunnissinnaanermut atuisinnaanernullu kiisalu kommunit nalunaarsuiffimmik ingerlatsinerinut nakkutilliinissaq pillugu Naalakkersuisut malittarisassiussinissaannut piginnaatinneqassapput. Inatsit naapertorlugu malittarisassat, inatsit malillugu suliarineqartut, kommuninik isumaqtiginninniareernikkut aalajangersarneqassapput.

Sanaartukkanik nalinginnaasumik aserfallatsaaliuineq ilutigalugu sanaartukkat nukimmik atuinerisa annikillisinneqarnissaat qulakkeerneqarnissaat pillugu

Naalakkersuisut ilisimatitsissuteqarnerattut, sanaartornermut inatsit atuuttoq pineqartoq, aallaqqaatitut, Inatsisip aalajangersagaanut naleqqiullugu sanaartorneq annertuppat, sanaartukkamilu allannguinermik kinguneqarpat sanaartornermut inatsit sanaartukkanut piusunut aallaavittut taamaallaat atuuppoq.

Sanaartornermut inatsit atuuttoq malillugu Sanaartukkanut nutaanut piumasaqaateqartarnerisulli sanaartukkani piusuni nukimmik atuinerup annikillisinneqarnissaanut assinganik piumasaqaateqanngilaq. Inatsimmi aamma nutaami sanaartukkanut piusunut tunngatillugu aamma iliuuseqartoqarnera aalajangiisuusoq ataatsimiitaliamit Naalakkersuisut isumaqtigineqarput.

Allanngortiterineq imaluunniit allannguineq inatsimmi aalajangersakkanut annertunersoq apeqquaatinagu sanaartukkami aalajangersimasunik aserfallatsaaliuinermi kiisalu allanngortiterinermi allannguinermiluunniit sanaartornermut inatsit aamma atorneqarsinnaasunngorlugu, atorneqarsinnaanera siunnersuuteqarnermi matumani annertusineqarpoq.

Taamaalluni sanaartukkami nukimmik atuinermut sunniuteqassallutik aserfallatsaaliuinierit, allanngortiterinerit allannguinerillu pineqarput. Sanaartugaq aserfallatsaaliorneqartillugu, sanaartornerillu imminermanni allanngortiterinerunngikkaluarlutik imaluunniit sanaartukkamut allannguinnngikkaluarlutik assersuutigalugulu sanaartukkami atortut atortulersuutilu sanaartukkami nukimmik atuinermut sunniuteqartut taarsersorneqarnerini, nukimmik atuinermut tunngatillugu sanaartorneq pillugu inatsisip qaqgukkulluunniit aalajangersagaasa malinneqarnissaasa qulakkeerneqarnissaa siunertaavoq.

Kalaallisut gallunaatullu allanneqarnerisa assigiinnginneri

Siunnersuutip siullermeerlugu suliarineqarnerani § 19-mi imm. 2-mi oqaaseq atorneqartoq "isernissaminut" itisilerneqarnissa kissaatigineqarpoq, taanna malillugu, kommunalbestyrelsi sanaartukkap silataanik misissuinissaq uuttortaanissarlu siunertalarugit kommunalbestyrelsi eqqartuussivimmi aalajangiinertaqanngitsumik isernissaminut piumasaqarsinnaavoq. Tamatumani, kalaallisuu malillugu, sanaartukkap silataanik misissuinissaq uuttortaanissarlu siunertalarugit eqqartuussivimmi aalajangiinertaqanngitsumik isernissaminut piumasaqartoqarsinnaanngussaaq. Oqaasertaliunneqarsimasut paatsiveerunnarsinnaaneri ataatsimiitaliamit isumaqtigineqarpoq.

Tamatuma avataatigut ataatsimiitaliaq siunnersuutip kalaallisoortaani gallunaatoortaanilu iminnut naapertuittingitsut allat pillugit oqaaseqammik tigusaqarpoq.

Inatsisit kalaallisuuini danskisuuinilu oqaatsitigut naapertuuttuunissaat pingaaruteqartoq ataatsimiitaliaq isumaqarpoq.

Ataatsimiitaliamti sulilermi inatsisip kalaallisuuani oqaatsitigut iluarsiisoqartariaqarnera ataatsimiitaliamit maluginiarneqarpoq, pingajussaaneerinninnissamullu kalaallisuuata iluarsineqarnissaanut allannguutissatut siunnersummik Naalakkersuisut saqqummiussaqarnissaat naatsorsuutigalugu.

Siunnersuutip aningaasatigut kingunerisassai

Siunnersuutip piviusunngortinnerani aningaasatigut allaffissornikkullu kingunerisassai siunnersummi nalinginnaasumik oqaaseqaatini allaaserineqarput. Naalakkersuisut

kingunerisassaannik taakkuninnga nassuiaanera Sanaartornermut Ataatsimiititaliamit tusaatissatut tiguneqarput tamatumunngalu ilassutitut oqaassisqaqanngilaq.

Ataatsimiititaliap inassutai

Ataatsimiititaliap **isumaqatigiittup** siunnersuutip akuersissutigineqarnissaa **inassutigaa**.

Taamatut oqaaseqarluni isumaliutissiisummillu allassimasutut paasinnilluni matumuuna ataatsimiititaliap siunnersuut aappassaaniigassanngortippaa.

Kristian Jeremiassen

Siulittaasoq

Siverth K Heilmann

Siulittaasup tullia

Harald Bianco

Anders Olsen

Jens Kristian Therkelsen